



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CLX. De suffragio Exprovincialium Exzelosorum, & Excollegarum Ord. S.  
Francisci de Paula.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

bore permanfuris ad præmiſſorum effectum hac vice dumtaxat ſpecialiter, & expreſſe derogamus, cæteriſque contrariis quibuſcumque.

Datum Romæ apud Sanctam Mariam Majorem ſub Annulo Piſcatoris die VIII. Julii MDCCXVII. Pontificatus noſtri Anno Decimo-ſeptimo.

CLVIII.

Conceditur translatio Indulgentiæ plen. perp. in feſto S. Scholaſticæ in diem translati feſti pro Congregatione Monachorum Bursfeldenſium in Germania.

Hæc indulgentia conceſſa fuit a Clem. X. Conſt. ed. 1671. Dec. 19. P. Eadem translatio præmiſſa fuit in Feſto S. Benediæti ab Inn. XI. Conſt. ed. 1679. Sept. 26. P. 3.

Dat. 31. Julii 1717. An. 17.

CLEMENS PAPA XI.

Ad perpetuam rei memoriam.

Preces Congregationiſt Bursfeldenſis, & Cauſa translationiſ d. Indulgentiæ a Clem. X. conceſſæ.

Um dudum fel. rec. Clemens Papa X. Prædeceſſor noſter omnibus, & ſingulis utriuſque ſexus Chriſtifiſdelibus vere pœnitentibus, & confeſſis, ac ſacra Communione refeæctis, qui aliquam ex Eccleſiis quorumcumque Monafteriorum tam Monachorum, quam Monialium Regulam Sancti Benediæti profitentium eatenus erectis, & impoſterum quandocumque erigendis, ac ubicumque locorum exiſtentibus die feſto Sanctæ Scholaſticæ Sororiſ ejuſdem Sancti Benediæti, a primis Veſperis, uſque ad occaſum ſolis diei hujuſmodi annis ſingulis devote viſitaverint, & ibi pro Chriſtianorum Principum concordia, Hæreſum extirpatione, ac Sanctæ Matris Eccleſiæ exaltatione piæ ad Deum preces effuſerint, plenariam omnium peccatorum ſuorum indulgentiam, & remiſſionem miſericorditer in Domino conceſſerit, pro ut in ipſius Clementiſ Prædeceſſoriſ Literiſ die 19. Decembris 1671. expeditis, quas perpetuis futuris temporibus valere voluit, uberius continetur. Et ſicut pro parte dileæctorum filiorum Monachorum Congregationiſ Bursfeldenſis in Germania Ordiniſ Sancti Benediæti Nobiſ nuper expoſitum fuit, feſtum ejuſdem Sanctæ Scholaſticæ, quod die X. Februarii celebratur, aliquando in aliquam ex Dominicis, ſive Septuageſimæ, Sexageſimæ, Quinquageſimæ, & Quadrageſimæ, vel in diem Cinerum incidat, eaque de cauſa in alium diem transferatur, ac propterea dicti exponentes opportune ſuper hoc a Nobiſ provideri, & ut infra indulgeri plurimum deſiderent. Nos eorundem Exponentium votis hac in re quantum cum Domino poſſumus favorabiliter annuere volentes, & eorum ſingulares perſonas a quibuſvis excommunicationiſ, ſuſpenſionis, & Interdicti, aliſque Eccleſiaſticis ſententiis, cenſuris, & pœniſ a Jure, vel ab homine quavis occaſione, vel cauſa latis, ſi quibus quomodolibet innodata exiſtunt, ad effectum præſentium dumtaxat conſequendum harum ſerie abſolventes, & abſolutas fore cenſentes, ſupplicationibus eorum nomine nobiſ ſuper hoc humiliter porrectis inclinari ut quandocumque memoratum feſtum Sanctæ Scholaſticæ ex cauſa prænarata ad alium diem transferatur, Chriſtifiſdeles prædicti, qui aliquam ex Eccleſiis ſupradictæ Congregationiſ Bursfeldenſis eo die, ad quem translatio hujuſmodi facta fuerit, devote pariter viſitaverint, cæteraque omnia in Literiſ prædictis præſcripta adimpleverint, plenariam omnium peccatorum ſuorum Indulgentiam, & remiſſionem a præfato Clemente Prædeceſſore, ſicut præmittitur, conceſſam conſequantur, in omnibus, & per omnia, perinde ac ſi præmiſſa omnia in ipſo feſto non translato adimpleviſſent, auctoritate Apoſtolica, tenore præſentium in perpetuum concedimus, & indulgemus.

Conceſſio translationiſ Indulgentiæ a die 10. Feb. in diem translati feſti.

§. 1. Non obſtantibus quatenus opus ſit noſtra, de non concedendis Indulgentiis ad inſtar,

aliſque Conſtitutionibus, & Ordinationibus Apoſtolicis, cæteriſque contrariis quibuſcumque.

§. 2. Volumus autem, ut earundem præſentium Literarum tranſumptis, ſeu exemplis, etiam impreſſis manu alicujus Notarii publici ſubſcriptis, & ſigillo Perſonæ in Eccleſiaſtica Dignitate conſtitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipſiſ præſentibus ſi forent exhibitæ, vel oſtenſæ.

Datum Romæ apud Sanctam Mariam Majorem ſub Annulo Piſcatoris die XXXI. Julii MDCCXVII. Pontificatus noſtri Anno Decimo-ſeptimo.

Clauliæ.

CLIX.

Conceditur Indulgentia plen. perp. in feſto Sancti Raymundi de Peñafort, & Petri Nolæſci pro Eccleſiis Ordiniſ B. M. de Mercede.

Alex. VIII. Conſt. ed. 1690. Jul. 28. P. 1. extat communicatio Privilegiorum, & Indulgentiarum aliorum Regularium. Et Bened. XIII. Conſt. ed. 1728. Jul. 14. P. 5. confirmatur cultus immemorabilis B. Serapioniſ exhibitio.

CLEMENS PAPA XI.

Ad perpetuam rei memoriam.

Dat. 4. Aug. 1717. An. 17.

Exordium.

Injunæ Nobiſ divinitus Apoſtolicæ ſervitutis ratio poſtulat, ut cæleſtium munerum theſaurus diſpenſationi noſtræ a Domino creditos fideliter erogemus, cum id ad augendam in Terris Sanctorum in Cæliſ cum Chriſto regnantium venerationem, excitandamque, & conſolvendam erga illos fidelium devotionem, ac ad animarum ſalutem ſperamus in Domino profuturum.

§. 1. Supplicationibus itaque dileæti filii moderni Procuratoriſ Generaliſ Ordiniſ Beate Mariæ de Mercede Redemptioniſ Captivorum nomine nobiſ humiliter porrectis inclinari, ac de Omnipotentis Dei miſericordia, ac Beatorum Petri & Pauli Apoſtolorum ejuſ auctoritate conſiſi, omnibus, & ſingulis utriuſque ſexus Chriſtifiſdelibus, vere pœnitentibus, & confeſſis, ac ſacra Communione refeæctis, qui aliquam ex quorumcumque Conventuum dicti Ordiniſ tam hætenus erectis, quam in poſterum quandocumque erigendis, ac ubicumque locorum exiſtentibus die feſto Sancti Raymundi Pennafort, ejuſdem Ordiniſ, una cum Sancto Petro Nolæſco Fundatoriſ a primis Veſperis uſque ad occaſum ſolis diei hujuſmodi annis ſingulis devote viſitaverint, & ibi pro Chriſtianorum Principum concordia, hæreſum extirpatione, ac Sanctæ Matris Eccleſiæ exaltatione piæ ad Deum preces effuſerint, plenariam omnium peccatorum ſuorum Indulgentiam, & remiſſionem miſericorditer in Domino concedimus. Præſentibus perpetuis futuris temporis valiturus.

Conceſſio præd. Indulgentiæ ob preces Procuratoriſ Gen.

§. 2. Volumus autem, ut earundem præſentium Literarum tranſumptis, ſeu exemplis etiam impreſſis, manu alicujus Notarii publici ſubſcriptis, & ſigillo perſonæ in Eccleſiaſtica Dignitate conſtitutæ munitis, eadem prorsus fides ubique habeatur, quæ haberetur ipſiſ præſentibus, ſi forent exhibitæ vel oſtenſæ.

Clauliæ.

Datum Romæ apud Sanctam Mariam Majorem ſub Annulo Piſcatoris die IV. Auguſti MDCCXVII. Pontificatus Noſtri Anno Decimo-ſeptimo.

CLX.

Confirmatur Decretum Congregationiſ Epiſc. & Reg. de ſuffragio Exprovincialium, Exceſſorum, & Excollegarum Ordiniſ S. Franciſci de Paula.

Conſt. ed. 1710. Feb. 6. P. 10. conceſſa fuit alternativa tripartita pro Provincia Meſſanen.

CLEMENS PAPA XI.

Ad futuram rei memoriam.

In Capitulis  
Gen. 1703.  
1717. concef-  
fum fuit fuf-  
fragium Ex-  
provinciali-  
bus, Exzelo-  
fis, & Excol-  
legis in Capi-  
tulis Provin-  
cialibus, &  
Definitoriis.

**A**lias pro parte dilecti filii Bertrandi Mon-  
nat Procuratoris Generalis Ordinis Fra-  
trum S. Francisci de Paula Minorum nuncu-  
patorum nobis expofito quod in Comitibus Gene-  
ralibus dicti Ordinis Anno 1703. Maffilia coa-  
ctis pro feliciori ordinis hujusmodi regimine  
omnibus vocalibus vifum fuerat neceffarium  
porrigere Nobis fupplicationem; quatenus cui-  
libet Exprovinciali nulla fententia irrecito vo-  
cem in omnibus Capitulis tam Provincialibus,  
quam Definitoriis, etiam in cafu mortis, feu  
depositionis, aut renunciationis concedere di-  
gnaremur, quod quidem propofitum; tanquam  
Divina gloria incremento, regularis obfervan-  
tia nervo, ac virorum infignium promotioni pro-  
ficuum Fratres pro celebratione Capituli Gene-  
ralis ejuſdem Ordinis Valentia noviffime con-  
gregati nedum laudaverant, fed etiam poſt ma-  
turam, & accuratam rei inquisitionem illud idem  
privilegium pari ratione ad Fratres Exzelofos, &  
Excollegas generales ejuſdem Ordinis unanimi  
confenfione extendendum eſſe judicaverant. Nos  
fupplicem libellum Nobis ſuper pramiffis por-  
rectum ad Congregationem Venerabilium Fra-  
trum noſtrorum S. R. E. Cardinalium nego-  
tiis, & conſultationibus Epifcoporum, & Regu-  
larium prepoſitam remiſimus; dicta vero Con-  
gregatio Decretum edidit tenoris, qui ſequitur,  
videlicet: Sacra Congregatio Eminentiffimo-  
rum, & Reverendiſſimorum S. R. E. Cardina-  
lium negotiis, & Conſultationibus Epifcopo-  
rum, & Regularium prepoſita, ad quam San-  
ctiſſimus D. Noſter ſupplicem hunc libellum re-  
miſit, viſa relatione Patris Correſtoris Gene-  
ralis Ordinis, referente Eminentiffimo Gualte-  
rio, cenſuit, ac decrevit, ſupraſcripta duo De-  
creta Capituli Generalis eſſe confirmanda, prout  
preſentis Decreti vigore confirmat. Non ob-  
ſtantibus Conſtitutionibus ipſius Ordinis, ac aliis  
quibuſcumque in contrarium facien. &c. Romae  
30. Julii 1717. - F. Cardinalis de Abdua. J.  
Archiepiſcopus Damascenus.

Decretum  
Congrega-  
tionis an.  
1717. editum  
approbans  
ſtatuta prad.

Preces to-  
tius Ordinis.

**S.** 1. Cum autem ſicut dictus Bertrandus  
Prior Generalis, tam ſuo, quam totius Ordinis  
hujusmodi nomine Nobis denuo nuper exponi  
fecit, ipſe Decretum hujusmodi pro firmiori il-  
lius ſubſiſtentia, Apoſtolicæ confirmationis no-  
ſtræ patrocinio communiti plurimum deſideret:  
Nos ipſum Bertrandum ſpecialibus favoribus, &  
gratis proſequi volentes, & a quibuſvis excom-  
municationis, ſuſpenſionis, & interditi, aliisque  
Eccleſiaſticis ſententiis, cenſuris, & pœnis a Jure,  
vel ab homine quavis occasione, vel cauſa latis,  
ſi quibus quomodolibet innodatus exiſtit, ad effe-  
ctum præſentium dumtaxat conſequendum, ha-  
rum ſerie abſolventes, & abſolutum fore cenſen-  
tes, ſupplicationibus ejus nomine Nobis ſuper  
hoc humiliter porrectis inclinati, Decretum præ-  
infertum, auctoritate Apoſtolica tenore præ-  
ſentium confirmamus, & approbamus, illique  
inviolabilis Apoſtolicæ firmitatis robur adjici-  
mus, ſalva tamen ſemper in præmiſſis auctoritate  
memoratae Congregationis Cardinalium.

Confirmatio  
relati Decre-  
ti.

Claulaſa.

**S.** 2. Decernentes eaſdem præſentes literas  
firmas, validas, & efficaces exiſtere, & fore,  
ſuoſque plenarios, & integros effectus fortiri, &  
obtinere, ac illis ad quos ſpectat, & pro tempo-  
re ſpectabit, in omnibus, & per omnia pleniffi-  
me ſuffragari. Sicque in præmiſſis per quofcum-  
que Judices Ordinarios, & Delegates, etiam Cau-  
ſarum Palatii Apoſtolicæ Auditores judicari, &  
definiri debere; ac irritum, & inane ſi ſecus ſu-  
per his a quoquam quavis auctoritate ſcienter,  
vel ignoranter contrigerit attentari.

**S.** 3. Non obſtantibus præmiſſis, ac Conſi-

tutionibus, & Ordinationibus Apoſtolicis, nec-  
non dicti Ordinis etiam juramento, confirmatio-  
ne Apoſtolica, vel quavis firmitate alia roboratis,  
ſtatutis, & conſuetudinibus; privilegiis quoque,  
indultis, & Literis Apoſtolicis in contrarium  
præmiſſorum quomodolibet conceſſis, confir-  
matis, & innovatis. Quibus omnibus, & ſingu-  
lis, illorum tenores præſentibus pro plene, &  
ſufficienter expreſſis, ac de verbo ad verbum in-  
fertis habentes, illis alias in ſuo robore perman-  
ſuris, ad præmiſſorum effectum hac vice dum-  
taxat ſpecialiter, & expreſſe derogamus, cæte-  
riſque contrariis quibuſcumque.

Datum Romæ apud S. Mariam Majorem ſub An-  
nulo Piſcatoris die XII. Auguſti MDCCXVII. Pon-  
tificatus noſtri Anno Decimoſeptimo.

Conceditur facultas eligendi Commiſſarios Viſi-  
tatores ex eadem Provincia pro Provincia  
Conceptionis B. M. Fluminis Januarii Fratrum  
Min. de Obſerv. Reformat.

CLXI.

De hujusmodi Commiſſariis vide Inn. XI. Conſt. ed.  
1682. Maji 13. P. 7. Et Conſt. ed. 1688. Aug. 28.  
P. 13. Hujus Pontificis Conſt. ed. 1717. Jan. 25.  
P. 17. confirmatae fuere Literæ de Viſitatores Pro-  
vincia Chilen. Conſt. ed. 1717. Aug. 20. P. 17. re-  
vocantur indulta perſonalia conceſſa d. Provinciae  
Conceptionis, & S. Antonii. Et Bened. XIII.  
Conſt. ed. 1724. Dec. 20. P. 1. agitur de Viſi-  
tatore Provinciae Aſſumptionis B. M. Tucumanis.

CLEMENS PAPA XI.

Ad futuram rei memoriam.

**E**Xponi Nobis nuper fecit dilectus filius An-  
tonius a Plagis Procurator Provinciae Con-  
ceptionis Beatae Mariae V. Immaculatae Fluminis  
Januarii Ordinis Fratrum Minorum Sancti Fran-  
cisci de Obſervantia Reformatorum nuncupato-  
rum, quod alias quondam Petrus Marinus Sor-  
manus dum vixit Miſtiter Generalis dicti Or-  
dinis incommodis, expenſis, graviffimisque mo-  
leſtiis, quæ ex deputacione Commiſſariorum  
Europæorum ad viſitandas perſonas, & S. An-  
tonii Bahienſis ejuſdem Ordinis Provincias in  
Brafilia, earumque Capitulis præſidendam mi-  
tti ſolitorum proveniebant, ſimulque vagationi-  
bus Fratrum, qui propter Cauſas appellacionum  
longiffimis itineribus ſe committere cogebantur,  
opportunitis rationibus occurrere volens, non-  
nullas ordinationes in dictis Provinciis ſervan-  
das fecit per quaſdam ſuas patentes literas die  
29. Martii 1682. expeditas per quas præcepit, ne  
impoſterum ad dictas Provincias Commiſſarii  
Viſitatores Europæi mitti, ſed ipſi ex eiſdem  
met Provinciis aſſumi deberent, modo ſequenti,  
nempe, ut in quolibet Capitulo Provinciali ſe-  
cundo dictæ Provinciae Sancti Antonii novum  
Definitorium tres Religioſos ex primodicta Pro-  
vincia Conceptionis Beatae Mariae Virginis Im-  
maculatae in Commiſſarios Viſitatores ejuſdem  
Provinciae S. Antonii eligeret, eorumque no-  
minatio ad dictum Miſtiterum Generalem data  
prima occasione diſceſſus alicujus navis ad par-  
tes Europæas ſub pena ſuſpenſionis a Divinis,  
tam a Miſtitero Provinciali, quam ab aliis, qui  
præmiſſa neglexiſſent, incurrenda mitteretur,  
ita ut Viſitatores Commiſſarii unius Provinciae  
ex alia reciperentur, & alias prout in prædictis  
literis patentibus per quaſdam felicis recorda-  
tionis Innocentii PP. XI. die 3. Maji dicti Anni  
deſuper in ſimili forma Brevis expeditas, con-  
firmatis uberius dicitur contineri. Poſtmodum  
verò cum quondam Philippus a Matre Dei Pro-  
curator dictæ Provinciae S. Antonii bo. mc. Al-  
derano dum vixit Epifcopo Oſtien. S. R. E. Car-  
dinali Cybo nuncupato, tunc dicti Ordinis apud

Dat. 7. Sept.  
1717. An. 17.

A miſtitero  
Gen. an. 1682.  
ob nonnullas  
cauſas re-  
jectis Com-  
miſſariis Vi-  
ſitatores  
Europæis,  
conſtituti alii  
fuere ex Pro-  
vincia Flumi-  
nis Januarii  
pro Provin-  
cia S. Anto-  
nii, & vice-  
verſa.

Sed ob no-  
vas cauſas a  
Card. Pro-  
rectore an.  
1688. con-  
cellum fuit.